

Impact Factor: 4.972

ISSN: 2181-0788

DOI: 10.26739/2181-0788

www.tadqiqot.uz

IJC

INTERNATIONAL JOURNAL OF CONSENSUS

KONSENSUS XALQARO JURNALI



VOLUME 3, ISSUE 2

2022

KONSENSUS XALQARO JURNALI

3 JILD, 2 SON

INTERNATIONAL JOURNAL OF CONSENSUS
VOLUME 3, ISSUE 2



Bosh muharrir | Chief Editor:

JO'RAYEV NARZULLA QOSIMOVICH

siyosiy fanlar doktori, professor, O'zbekiston Respublikasi

Bosh muharrir o'rinbosari: Deputy Chief Editor:

SAIDOV SANJAR SHAVKATOVICH

siyosiy fanlar bo'yicha falsafa doktori (PhD),
O'zbekiston Respublikasi

Bosh muharrir o'rinbosari: Deputy Chief Editor:

ZAMONOV ZOKIR TURG'UNOVICH

siyosiy fanlar bo'yicha falsafa doktori
(PhD), O'zbekiston Respublikasi

TAHRIRIY MASLAHAT KENGASHI | EDITORIAL BOARD

ALIMARDONOV TO'LQIN

siyosiy fanlar doktori, professor,
O'zbekiston Respublikasi

ANITA SENGUPTA

siyosiy fanlar doktori, professor
Hindiston Respublikasi

BAYDAROV ERKIN

falsafa fanlari nomzodi, professor,
Qozog'iston Respublikasi

GREGORY GLEASON

siyosiy fanlar doktori, professor
Amerika Qo'shma Shtatlari

FARMONOV RAHMON

tarix fanlari doktori, professor,
O'zbekiston Respublikasi

JO'RAYEV SAYFIDDIN

siyosiy fanlar doktori, professor,
O'zbekiston Respublikasi

JENNIFER MURTAZASHVILI

siyosiy fanlar doktori, professor
Amerika Qo'shma Shtatlari

MAMADAZIMOV ABDUGANI

siyosiy fanlar nomzodi, dotsent,
Tojikiston Respublikasi

MADAYEVA SHAXNOZA

falsafa fanlar doktori, professor,
O'zbekiston Respublikasi

KHOLMUMINOV JAFAR

falsafa fanlar doktori,

NURMATOVA GULSAYRA

siyosiy fanlar doktori, professor,
Qirg'iziston Respublikasi

QIRG'IZBOYEV MUQIMJON

siyosiy fanlar doktori, professor,
O'zbekiston Respublikasi

QO'CHQOROV VAHOB

siyosiy fanlar doktori, professor,
O'zbekiston Respublikasi

QODIROV ANVAR

falsafa fanlar doktori, professor,
O'zbekiston Respublikasi

ONO MASAKI

falsafa doktori, professor
Yaponiya

TOLIPOV FARXOD

siyosiy fanlar nomzodi, dotsent
O'zbekiston Respublikasi

VASILY NIKULENKO

tarix fanlari nomzodi, dotsent,
Rossiya Federatsiyasi

CHANDER SHEKHAR

falsafa doktori, professor,
Hindiston Respublikasi

Mas'ul kotib | Responsible secretary:

TO'YCHIYEVA RA'NO

O'zbekiston Respublikasi

PageMaker | Sahifalovchi: Xurshid Mirzahmedov

Контакт редакций журналов. www.tadqiqot.uz

ООО Тадqiqot город Ташкент,
улица Амира Темура пр.1, дом-2.

Web: <http://www.tadqiqot.uz/>; Email: info@tadqiqot.uz

Тел: (+998-94) 404-0000

Editorial staff of the journals of www.tadqiqot.uz

Tadqiqot LLC The city of Tashkent,
Amir Temur Street pr.1, House 2.

Web: <http://www.tadqiqot.uz/>; Email: info@tadqiqot.uz


Phone: (+998-94) 404-0000

1. Vahob Kuchkarov, Lazokat Ikanova THE ROLE OF EDUCATION AND UPBRINGING IN THE PROFESSIONAL ORIENTATION OF YOUNG PEOPLE.....	5
2. Холмўминов Жаъфар Муҳаммадиевич “ҚИЁСИЙ ТАСАВВУФШУНОСЛИК”: МЕТОДОЛОГИЯ ВА ФАН.....	14
3. Фарход Толипов НАТО И ЦЕНТРАЛЬНАЯ АЗИЯ: БУДЕТ ЛИ ПАРТНЕРСТВО РАДИ МИРА?.....	27
4. Замонов Зокир Турғинович, Эшмаматов Фаррух Эшқобил ўғли ЎЗБЕКИСТОНДА МАҲАЛЛА ИНСТИТУТИ ФАОЛИЯТИНИ ТАКОМИЛЛАШТИРИШНИНГ ЗАМОНАВИЙ МЕХАНИЗМЛАРИ.....	33
5. Исомиддинов Элдор Ботирович ЎЗБЕКИСТОНДА МАҲАЛЛИЙ ДАВЛАТ ҲОКИМИЯТИ ОРГАНЛАРИ ФАОЛИЯТ САМАРАДОРЛИГИНИНГ ЕТАКЧИ ОМИЛЛАРИ.....	41
6. Таникулов Жонибек Аширкулович ЗАМОНАВИЙ ДУНЁДА ЖАМОАТЧИЛИК ФИКРИНИ ШАКЛЛАНТИРУВЧИ МЕДИА АХБОРОТ ЭВОЛЮЦИЯСИ.....	49
7. Мирзаев Агзам Рустамович ЁШЛАРНИ ҲАРБИЙ ВАТАНПАРВАРЛИК РУҲИДА ТАРБИЯЛАШДА ЗАМОНАВИЙ ИННОВАЦИОН ЁНДАШУВНИНГ РОЛИ ВА АҲАМИЯТИ.....	55

JOURNAL OF INTERNATIONAL CONSENSUS

Мирзаев Агзам Рустамович,
Ўзбекистон давлат жаҳон тиллари университети
мустақил изланувчиси

ЁШЛАРНИ ҲАРБИЙ ВАТАНПАРВАРЛИК РУҲИДА ТАРБИЯЛАШДА ЗАМОНАВИЙ ИННОВАЦИОН ЁНДАШУВНИНГ РОЛИ ВА АҲАМИЯТИ

 <http://dx.doi.org/10.5281/zenodo.6906368>

АННОТАЦИЯ

XXI аср бошларида жаҳонда кечаётган мураккаб ижтимоий, сиёсий, маданий жараёнлар ҳар бир давлат суверинитетлиги, миллий мустақиллиги ва барқарор ривожланишини миллий давлатчилик сиёсатининг устувор йўналишига айлантирди. Гарчи икки қутбли жаҳон сиёсий тартиботига барҳам берилган бўлса-да, бугун жаҳонда ўзининг гегемонлик мавқеидан воз кечмаётган давлатлар мавжуд. Буни жаҳонда етакчилик учун сиёсий рақобат, ўзаро кураш мавжудлиги тасдиқлайди.

Ушбу контекстда ҳарбий ватанпарварлик масаласи янада долзарблашади. Бугунги ахборот технологиялари, айниқса, PR ва руҳий-психологик манипуляция технологиялари ривожланаётган даврда ҳарбий ватанпарварликни шакллантиришда замонавий инновацион технологияларни шакллантириш долзарб муаммога айланади. Мақолада ушбу муаммо ёритилган.

Калит сўзлар: ватанпарварлик, миллий мустақиллик, глобаллашув, геосиёсий манфаатлар, ахборот уруши, ёшлар сиёсий онги ва сиёсий маданият.

Mirzaev Agzam Rustamovich,
Independent researcher at the Uzbek State
University of World Languages

THE ROLE AND IMPORTANCE OF MODERN INNOVATION APPROACH IN EDUCATING YOUNG PEOPLE IN THE SPIRIT OF MILITARY PATRIOTISM

ABSTRACT

The complex social, political and cultural processes taking place in the world at the beginning of the XXI st century turned the sovereignty, national independence and sustainable development of each state into a priority direction of national statehood policy. Although the two-pole world political order was abolished, today there are countries in the world that do not give up their hegemonic position. This is evidenced by the existence of political competition, mutual struggle for world leadership.

In this context, the issue of military patriotism becomes more relevant. The formation of modern innovative technologies in the formation of military patriotism in the period of development

of today's information technologies, especially PR and psycho-psychological manipulation technologies, becomes an urgent problem. The article will cover this problem.

Key words: Patriotism, national independence, globalization, innovative approach, geopolitical interests, information war, political consciousness and political culture of youth.

Мирзаев Агзам Рустамович,
Независимый соискатель Узбекского
государственного университета мировых языков

РОЛЬ И ЗНАЧЕНИЕ СОВРЕМЕННОГО ИННОВАЦИОННОГО ПОДХОДА К ВОЕНН-ПАТРИОТИЧЕСКОМУ ВОСПИТАНИЮ

АННОТАЦИЯ

Сложные социальные, политические и культурные процессы, происходящие в мире в начале XXI века, превратили суверенитет, национальную независимость и устойчивое развитие каждого государства в приоритетное направление политики национальной государственности. Хотя двухполюсный мировой политический порядок был отменен, сегодня в мире есть страны, которые не отказываются от своих гегемонистских позиций. Об этом свидетельствует наличие политической конкуренции, взаимной борьбы за мировое лидерство.

В этом контексте вопрос военного патриотизма становится все более актуальным. Формирование современных инновационных технологий в формировании военного патриотизма в период развития современных информационных технологий, особенно технологий PR и психолого-психологических манипуляций, становится актуальной проблемой. В статье будет рассмотрена эта проблема.

Ключевые слова: Патриотизм, национальная независимость, глобализация, инновационный подход, геополитические интересы, информационный война, политическая сознание и политическая культуре молодёжи.

КИРИШ ВА ДОЛЗАРБЛИГИ.

Ушбу муаммонинг долзарблиги ва муҳимлиги энг олий қадрият - миллий мустақиллик, уни асраш, абадийлаштириш ва ёшларни ватанпарварлик руҳида тарбиялашдек муҳим ҳаёти вазибалар билан ўзаро уйғунлиги билан боғлиқ. Педагогика илмининг мумтоз вакиллари билан В.А.Сухомлинскийнинг таъбирича, “Инсоннинг ўзак, туб хусусияти - Ватанга муҳаббат, у ёшлиқдан асос солинади” [1, 14]. Ушбу фазилат инсон онги каби туғма хусусият бўлмай, у боланинг онги билан уйғун тарзда шаклланади, қарор топади. Болалар эзгулик, яхшилик қарор топишига илиқ муносабатда бўладилар, шу орқали ўзларини бахтли хис қилдилар. Эзгулик, адолат, гўзаллик қарор топиши эса, - Сухомлинский таъбирича, - болалар учун бахтдир. Туб хусусият – ватанпарварликка эришиш – бахтдир [1, 15].

Миллий мустақиллик ватанпарварлик туйғуси билан боғлиқ эски педагогик-дидактик алгоритмни чишакка чиқарди.

Миллий мустақиллик таъсирида “Ватан”, “ватанпарварлик” тушунчаларининг мазмуни ўзгарди, мавҳум, абстракт тушунча ўрнига реал, миллий руҳдаги бўлган ватанпарварлик тушунчасига эҳтиёж ва зарурат туғилди. Бу ҳодиса халқимиз тақдирида юз берган туб бурилиш - асрлар давомида орзу қилинган миллий мустақиллик билан боғлиқ.

1991 йил иккинчи ярмидан бошлаб жаҳон сиёсий харитасида “Ўзбекистон” деган ёш мустақил давлат пайдо бўлди, халқаро ҳуқуқ ва халқаро муносабатларнинг тенг ҳуқуқли субъектига айланди - унинг байроғи, мадҳияси, герби яратилди, жаҳон ҳамжамияти уларни эътироф этди. Бундай тарихий ҳодисалар “Ватан”, “ватанпарварлик” тушунчаларини ҳам мазмунан ислоҳ этилишига, янги маъно ва мазмун касб этишига олиб келди.

Миллий мустақилликкача “Ватан”, “ватанпарварлик” тушунчалари икки маънода космополитик ва руслаштирилган мақомда эди. Масалан, Ўзбекистон совет социалистик республикасининг мадҳияси “Ассалом рус халқи - буюк оғамиз”, деган жумлалардан

бошланиб, бепоён макон, асосан, буюк рус халқини олқишлашдан бошланар эди. “Ватан” деганда эса, она Ўзбекистон, она тупроқ, инсон туғилиб-ўсадиган ер, замин эмас, балки мустамлакачилар эгаллаган географик макон тушунилар эди.

Таниқли педогог олима И. Абдуллаева таъбири билан ифодалаганда, “Ватанпарварлик” аниқ муҳитда, заминда ва мавжуд маънавий-ахлоқий кадриятлар асосида шаклланади. Ватанга муҳаббат туйғуси болага она сути, алласи билан киради. Бу азиз туйғу бир умр унутилмайди. Шунинг учун ҳам ватанпарварлик тарбияси ҳамма замонларда улуғланган” [2,52].

Ватанпарварлик табиий ҳодиса ёки фазилат эмас. У юқорида тилга олинган тадқиқодчилар нуқтаи назаридан ёш мурғак қалбига она алласи, она сути билан бирга олиб кирилса-да, уни сиёсий даражаси инсон онгу шууридаги мавқеи мунтазам таълим-тарбия орқали киритилади. Шу боис ватанпарварлик ҳар бир кишида турли даражада шаклланган бўлади. Буни бугунги ҳаёт тасдиқлаб турибди. Масалан, турли диний экстремистик ғоялар таъсирига тушиб ёки пулга, моддий рағбатларга учиб, она Ватанга хиёнат қилувчи ёки “ўзбек” ва “Ўзбекистон” деган номга доғ тушираётган мигрант ёшларни эшлаш кифоя. Бугунги оммавий ахборот воситаларининг тез ва кучли ривожланаётган даврида гоҳида турли террористик, жинорий хатти-ҳаракатларда қатнашиб қолган ватандошларимизнинг номлари ҳам учраб туриши бу фактни исботлайди.

Иккинчи томондан эса, жаҳоннинг етакчи давлатларининг геосиёсий манфаатларининг Марказий Осиё минтақасида ўзаро “кесишуви”, яъни углеводород захиралари, бой минераллар захираси учун ўзаро зиддиятли сиёсий курашнинг мавжудлиги ватанпарварлик, хусусан, ҳарбий ватанпарварликни ёшларда тарбиялаш муаммосини долзарблаштиради.

Учинчи томондан эса, глобаллашув шароитида турли қитъа давлатларининг иқтисодий, маданий, техникавий ва маънавий алоқаларининг, космополитик марказида бўлган “глобал қишлоқ” (Global village) концепциясининг реаллашуви, кўп қутбли жаҳон сиёсий тарғиботига ўтган айрим давлатларнинг дунёда гегемон бўлиш учун уринишлари ҳарбий ватанпарварлик туйғусини шакллантиришигина эмас, уни мустақамлаш ва кучайтириш муаммосини, ушбу муаммони самарали ҳал қилишга қаратилган янги сиёсий технологияларни-сиёсий инновацияларни яратиш масаласини долзарблаштиради.

МЕТОДЛАР ВА ЎРГАНИЛГАНЛИК ДАРАЖАСИ.

Бугунги кунда ҳарбий ватанпарварликнинг шакллантириш масаласига технологик ёндашув оммалашмоқда. Технологик ёндашув эски тарбиявий-дидактик тарбия усулларидан фаркли ўлароқ, ҳарбий ватанпарварлик масаласига тизимли ва мақсадли ёндашиш, ҳарбий ватанпарварликка комплекс ёндашув, глобаллашув шароитида ахборот технологиялари асосида ёндашувни англади.

“Технология” атамаси асоси иқтисодиёт, ишлаб чиқариш жараёни билан боғлиқ. Масалан, технологик ёндашувнинг маъноси шундан иборатки, тарбия жараёни якунида албатта бирон-бир натижага эришилади. Зеро, технология муайян усул, воситалар ва адрессатни изчил, жараёний кетма-кетликка асосланади.

Ҳарбий ватанпарварликка сиёсий технологик ёндашувининг муҳим хусусияти ва жиҳати шундаки, унда нафақат тарғибот ва ташвиқот, балки ўйин, кластер, ақлий хужум ва бошқа усуллар орқали ёшлар онгига ахборотлашган, визуал, ҳатто анимацион усуллар ёрдамида таъсир кўрсатилади. Масаланинг инновацион жиҳати ҳам шундаки, бу усул орқали респондент ёки адрессат ҳаёлан реал ҳарбий жараёнларда “иштирок” этгандек ўзини ҳис қилади. Айтмоқчимизки, ёшларнинг турли Ғарб ҳарбий компьютер ўйинлари каби улар онги муайян реалликни ифода этувчи вертуал образлар томон йўналтирилади. Масаланинг инновацион жиҳати ҳам шунда -тарбияланувчи шахс маънан зўриқмайди, технологик жараёнда бахтиёр иштирок этади, янги педагогик ва дидактик таъсирга қаршилик кўрсатмайди, технология бошида кўзланган мақсад ва стратегия нишони остида қолади, натижа кўнгилдагидек бўлади.

Масаланинг сиёсий жиҳати шундаки, бундай руҳий таъсир технологиялари ёрдамида респондент, ахборот истеъмолчиси бошқарилади. Буни инсон онгини сиёсий менежменти, деб атаса ҳам бўлади. Бугун ахборот уруши ва унинг усуллари оммалашмоқда. Бу шароитда

ҳарбий ватанпарварликда янги сиёсий технологияларини яратиш ҳарбий ватанпарварлик ишининг самарадорлигини оширади.

ТАДҚИҚОТ НАТИЖАЛАРИ.

Ватанпарварлик - олий маънавий қадрият. Ватанпарварлик деганда халқ, миллат томонидан эъзозланадиган, қадрланадиган она ер, она тупроқ, она табиатни шунчаки ижтимоий манода, яшаш жойи деб тушунишгина эмас, шу Ватанни, она заминни сидқидилдан севиш, ундан фақат фойдаланиш эмас, уни қийин шароитларда ўз холига ташлаб қўйиш, ҳузур-ҳаловатни кўзлаб тузукроқ ижтимоий шароитларга “текин томоқ” бўлиб чиқиб кетиш, миграция қилишни англамайди. Ватан бошига оғир иш тушганда унга елкадош бўлиш, уни инкироздан чиқаришга ўз кучини, иқтидорини сафарбар қилиш - ватанпарварликдир.

Бугун янги Ўзбекистонни барпо этишга қаратилган ялпи халқ ҳаракатида ўзини четга олиб, АҚШ, Россия ва бошқа мамлакатларга миграция қилиб ўша ерларда яшаётган миллатдошларимиз нуфузи анчагина. Улар орасида мамлакатимизда кечаётган янгиланишлар сиёсатининг хато, камчиликларини қидириб топиб, душманлар тегирмонига сув қуяётган айрим “журналистлар” фаолияти ҳам кўзга ташланади.

Бундай шароитда, мамлакат барқарор ривожланишини таъминлашда Ўзбекистон Қуролли кучларини янада ислоҳ қилиш, уни жанговар тайёргарлиги ва қобилиятини, шахсий таркибни сиёсий ва ахлоқий тайёргарлиги, ватанпарварлик руҳини янада ошириш, улар олдига қўйиладиган жанговар вазифаларни касбий компетенциявий жиҳатдан самарали бажаришларини таъминлашга қаратилган маънавий-тарбиявий ишларни янада шакллантириш муҳим аҳамият касб этади.

Бу масаланинг муҳимлиги Ўзбекистон Республикаси Президенти, Қуролли кучлар Олий Бош қўмондони Шавкат Мирзиёев 2018 йил июнь ойида бўлиб ўтган Хавфсизлик кенгашининг кенгайтирилган таркибдаги мажлисида сўзлаган нутқида қуйидагича ифодалайди: “Ҳарбий хизматчиларни руҳий жиҳатдан чидамли бўлиши ҳақида гапирганда, кейинги пайтда дунёнинг турли минтақаларида содир бўлаётган қуролли тўқнашувларда кўзга ташланаётган бир ҳолатга эътибор қаратмоқчиман. Яъни, жанговар ҳаракатлар давомида шахсий таркиб ўртасидаги йўқотишларнинг асосий қисми кучли руҳий таъсир ва зарбалар билан боғлиқ экани маълум бўлмоқда. Бундай руҳий жароҳатларни ҳатто тинч ҳаёт шароитида ҳам даволаш жуда мураккаб масаладир” [3,1].

Ушбу вазифалар ҳарбийларни эскича усул ва воситалар ёрдамида эмас, балки замонавий, инновацион технологиялар орқали тарбиялаш, руҳий тайёргарлигини психология, этика ва бошқа фанлар методлари орқали амалга оширишни талаб қилади.

Бундай инновациялар жумласига ёш аскарларга Ватан тарихидан, Ватан тарихида юз берган фақат ютуқлар, ғалабалар хусусидагина эмас, балки ҳарбий муваффақиятсизликлар, таслим бўлишлар сабаби ҳақида билим ва тушунча бериш технологияси киради. Масалан. Туркистонга генерал Скобелев, генерал Черняев ёхуд генерал фон Кауфманнинг оз сонли батальони билан кўп сонли маҳаллий Ватан ҳимоячиларининг қириб ташлаши сабабларини тушунтириш айна муддао. Қўхна тарих деганда бобомиз Соҳибқирон Амир Темур, Темур Малик ёхуд Мангуберди зафарларинигина эмас, балки тарқоқлик, уюлмаганлик, ҳарбий билим соҳасида замондан орқада қолиш асосий сабаб эканлигини нафақат зобитларга, балки шахсий таркиб, оддий аскарларга тушунтириш айна муддао. Инсон доимо хатодан ҳам билим олади, шу орқали юксалади.

Туркистон фожиаси, чор Россиясига юз йилдан ортиқ қарамлик, мустамлакачилик юртимиз ҳарбий хизматчиларига Спитамен, Широқ, Тўмарис томонидан асос солинган ҳарбий ватанпарварлик анъаналарига, уни тарихига атайлаб парда тортилишига олиб келди. Натижада ҳарбий касб бегоналашди, маҳаллий халқ ичидан ҳарбий касб танловчи фуқаролар сони тобора қисқарди.

Собиқ совет армиясида маҳаллий фуқаро вакиллари - ёшлар асосан қурилиш батальонларида хизмат қилиш анъаналари шаклланди. Замонавий тактик ва стратегик ҳарбий соҳаларда, техник қуроллардан фойдалана билиш соҳасида маҳаллий, тузем аҳоли вакиллари

деярли йўқ эди. Айниқса, ҳарбий кўмондонлик олий таълим даргоҳларида таълим олиш фақат орзуга айланган эди.

1991 йил 31 августидан бошланган миллий мустақиллик бу ҳолатга барҳам берди - Ўзбекистон Қуролли Кучлари, миллий армияга асос солинди. Тошкентда Ўзбекистон Республикаси Қуролли Кучлари Академияси барпо этилди, кўшин турлари бўйича қатор билим юрлари ташкил этилди. Ҳукуратимиз томонидан олиб борилган мунтазам ҳарбий сиёсат оқибатида профессионал ҳарбий куч - миллий армия шаклланди. Бугун Ўзбекистон Қуролли Кучлари вакиллари турли халқаро ҳарбий мусобақаларда муваффақиятли иштирок этмоқдалар.

Марказий Осиёда Ўзбекистон Қуролли Кучлари минтақа тинчлиги ва осойишталигининг кафолати бўлиб хизмат қилади. Буни қатор халқаро экспертлар ҳам эътироф этишмоқда. Бундай эътироф миллий мустақиллигимизнинг дастлабки йиллариданок шаклланди. Масалан, 1995 йилда Ўзбекистон Қуролли Кучлари бўлинмалари АҚШ Қуролли Кучлари билан “Тинчлик йўлида ҳамкорлик” дастури доирасида кўшма машқларда фаол иштирок этди. Бу машқлар АҚШнинг Луизиана штатининг Форт-полк ҳарбий полигонидан бўлиб ўтди. Бу машқда жаҳоннинг 17 мамлакати ҳарбий Кучлари вакиллари ҳам иштирок этишди. Ўзбекистон Қуролли Кучларидан бир взвод ҳарбий аскарларимиз иштирок этди ва юқори баҳоларга эришди. Машқларни кузатган халқаро кузатувчи ҳарбийлар Ўзбекистон Қуролли Кучлари вакиллари ҳарбий маҳоратига қойил қолишди. Масалан, Россия Федерацияси куриқликдаги кўшинларининг ўша 1995 йилдаги Бош кўмондонининг ўринбосари, генерал-полковник Ўзбекистон ҳарбий кўшинлари вакиллари хусусида шундай дейди: Ўзбекистон Республикаси Қуролли Кучлари ҳарбий санъатга ҳурмат анъаналарини авайлаб сақланаётганлигини айтиш керак. Буни биз бу ерда кузатувчилар сифатида қатнашаётган ҳарбийлар ўз кўзимиз билан кўрдик. Машқлар ҳарбий жиҳатдан юқори даражада ўтди.

Хорижий кузатувчилардан Франция ҳарбий разведкаси бошлиғи, дивизия генерали Эли Брьюно: “Бу турдаги машқлар, улар қандай миқёсда бўлишидан қатъи назар, ҳарбий киши сифатида мени ҳамини қизиқтиради. Ўтказилган ана шу машқларда мен ҳар бир жангчи ўз вазифасини аниқ ва яхши билишини кўрдим. Бу жуда ҳам муҳим машқлар ҳарбий жиҳатдан юксак даражада муваффақиятли ўтди”, дея таъкидлайди.

Украина мудофаа вазирлигининг механизациялашган ва танк кўшинлари Марказий бошқармаси бошлиғи, генерал-майор Иван Кондратюк эса: “Бу машқлар Ўзбекистон Қуролли Кучлари давлат мустақиллиги ва Республика ҳудудининг дахлсизлиги, аҳолининг тинч ҳаёти ва осойишталигини, хавфсизлигини муносиб ҳимоя қилишга қодир эканлигини кўрсатди”, деб айтади [4].

2000-йилларда Ўзбекистон ҳарбийлари халқаро танк биатлони, радиолокацион қидирув ва бошқа халқаро мусобақаларда юксак ўринларни эгаллашди ва ҳарбий тайёргарлик бўйича жаҳоннинг етакчи давлатлари ҳарбий Кучларидан қолишмасликларини исботлашди.

Бу ютуқларнинг барчаси Ўзбекистонда мустақилликнинг қисқа даврида олиб борилган ҳарбий ислохотлар, ҳарбий модернизация сиёсатининг илмий асосда эканлигини кўрсатади. Иккинчи томондан эса, ҳарбий касбнинг ижтимоий обрўйи ортиб бораётганлигидан баркамол ўзбек ўғил-қизларида азалдан ота-бобо мерос - ҳарбий санъатга қизиқиш ва ватанпарварлик анъаналарини бардавонлигини кўрсатади.

ХУЛОСА.

Ёшларни ҳарбий ватанпарварлик руҳида тарбиялаш масаласи бугунги шиддатли, ҳарбий низолар кўпайган шароитда қуйидаги йўналишларда бўлишлигини тақазо қилади.

1. Сиёсий-ахлоқий тайёргарликни такомиллаштириш.
2. Руҳий-психологик тайёргарликка катта эътибор қаратиш.
3. Замонавий ҳарбий-техник тайёргарлик.
4. Бўлажак ватанпарвар ҳимоячиларини жисмонан етуклигини, бақувват, қийин жанговар вазиятларда чидамлилигини тарбиялаш.

Яна бир муҳим ва зарурий вазифа - ҳарбий ватанпарварлик ишини илмий асосда, замонавий инновацион технологиялар асосида ташкиллаштиришдир.

Ҳарбий ватанпарварлик масаласига халқ ҳарбий тарихий мерос нуқтаи назаридан ёндашув. Ушбу ёндашув Марказий Осиё худудини, хусусан, Маворауннаҳрни чет эл босқинчиларидан мардона ҳимоя қилган ватанпарварлар - Широқ, Спитамен, Тўмарис, Жалолиддин Мангуберди, Темур Малик, Амир Темур, Мирзо Бобур ва бошқа саркардалар қаҳрамонликлари ҳақида ёш авлодга билим бериш, ватанпарварлик туйғусини уйғотиш масаласи билан боғлиқ.

Ёшлар ўз Ватани ўтмиши қандай бўлганлигини, аجدодлар Ватан ҳимояси учун қанчалик жонбозлик кўрсатган фидойи шахслар ҳақида тарихий билимга эга бўлишликларига, Ватан учун ғурур, фахр ва номус-шаън туйғуларига эга бўлишларига эришиш.

Ҳарбий ватанпарварлик ёш, ўсмирларнинг ёшига қараб мақсадли ва манзилли ташкилий асосга қурилиши лозим.

Ҳарбий ватанпарварлик тарбияси реал ҳарбий тайёргарлик машқларига имкони борича яқин бўлишлигига эришиш лозим.

Бу ишда ҳарбий моделлаштириш методи инновацион усуллардан бири бўлиши мумкин ва ниҳоят - ҳарбий ватанпарварлик иши замонавий ахборот технологияларидан унумли фойдаланишга асосланиши лозим.

Иқтибослар/ References/Сноски

- [1]. Сухомлинский В.А. Родина в сердце.-М.,1980.
- [2]. Абдуллаева. Ш ва бошқалар. Педагогика. –Т:” Ўқитувчи, 2004-52-б.
- [3]. Шавкат Мирзиёев Куролли Кучларимиз-мамлакатимиз барқарорлиги ва тараққиётининг муҳим кафолатидир. Ўзбекистон Республикаси Президенти Шавкат Мирзиёевнинг Ҳавфсизлик кенгашининг кенгайтирилган таркибдаги мажлисидаги сўзлаган нутқи.// “Халқ сўзи”, Т 2018 №6 (6964).
- [4]. “Туркистон” газетаси, 1996 йил 29 июнь сони.
- [5]. Акромова Ш. Ёшларнинг ҳарбий ватанпарварлик руҳида тарбиялашнинг долзарб масалалари. –Т.: “Маънавият”, 2018.
- [6]. Соифназаров И. Ватанпарварликнинг миллий ва умум инсоний жиҳатлари. Т.:“Меҳнат”, 1997.
- [7]. Ўзбекистон Республикаси Конституцияси-Т: “Ўзбекистон”, 2020.



ISSN 2181-0796

Doi Journal 10.26739/2181-0796

KONSENSUS XALQARO JURNALI

3 JILD, 2 SON

INTERNATIONAL JOURNAL OF CONSENSUS

VOLUME 3, ISSUE 2

Editorial staff of the journals of www.tadqiqot.uz

Tadqiqot LLC The city of Tashkent,

Amir Temur Street pr.1, House 2.

Web: <http://www.tadqiqot.uz/>; Email: info@tadqiqot.uz

Phone: (+998-94) 404-0000

Контакт редакций журналов. www.tadqiqot.uz

ООО Тадqiqot город Ташкент,

улица Амира Темура пр.1, дом-2.

Web: <http://www.tadqiqot.uz/>; Email: info@tadqiqot.uz

Тел: (+998-94) 404-0000